

Allannguutissatut siunnersuutit

uunga

**Siusinaartumik sulisinnaajunnaarnersiutit pillugit Inatsisartut inatsisaat nr. xx, xx.xx
2015-imeersoq**

Naalackersuisut pingajussaaneerinninnissamut saqqummiussaq.

§ 15-imut

1. § 15, imm. 3 imatut isikkoqalissaaq:

”Imm. 3. Siusinaartumik sulisinnaajunnaarnersiuteqarnermi pisartakkat appartinneqassapput, siusinaartumik sulisinnaajunnaarnersiuteqartoq aammalu taassuma aapparisaata ukiumoortumik isertitarisaat, tamatumani ilanngunnagit siusinaartumik sulisinnaajunnaarnersiutit, utoqqalinermi pensionisiat aammalu Nunani Avannarliit akornanni isumaginninnikkut Isumaqatigiissut naapertorlugu 28.000 kr.-it sinnerpatigit ilanngullugit § 17, imm. 2 naapertorlugu siusinaartumik sulisinnaajunnaarnersiutit annertunerpaat affaatut tunniunneqartartut. Aapparisaqarsimagaanni taassuma isertitai siulliit 100.000 kr.-it ilanngunneqassanngillat.”

§ 16-imut

2. § 16, imm. 3 imatut isikkoqalissaaq:

”Imm. 3. Siusinaartumik sulisinnaajunnaarnersiutit appartinneqassapput siusinaartumik sulisinnaajunnaarnersiuteqartoq aammalu taassuma aapparisaata ukiumoortumik isertitai, tamatumani ilanngunnagit siusinaartumik sulisinnaajunnaarnersiutit, utoqqalinermi pensionisiat aammalu Nunani Avannarliit akornanni isumaginninnikkut Isumaqatigiissut naapertorlugu 28.000 kr.-it sinnerpagit ilanngullugit § 17, imm. 2 naapertorlugu siusinaartumik sulisinnaajunnaarnersiutit annertunerpaat pingasorarterutaatut tunniunneqartartut. Aapparisaqarsimagaanni taassuma isertitai siulliit 100.000 kr.-it ilanngunneqassanngillat.”

§ 17-imut

3. § 17, imm. 3 imatut isikkoqalissaaq:

”Imm. 3. Siusinaartumik sulisinnaajunnaarnersiutit appartinneqassapput siusinaartumik sulisinnaajunnaarnersiuteqartoq aammalu taassuma aapparisaata ukiumoortumik isertitai, tamatumani ilanngunnagit siusinaartumik sulisinnaajunnaarnersiutit, utoqqalinermi pensionisiat aammalu Nunani Avannarliit akornanni isumaginnikkut Isumaqtigiissut naapertorlugu 28.000 kr.-it sinnerpagit. Aapparisaqarsimagaanni taassuma isertitai siulliit 100.000 kr.-it ilanngunneqassanngillat. 400.000 kr.-it inorlugit isertitaqarsimagaanni sulisinnaajunnaarnersiutip qaffasinnerpaaffissaanit 20%-it ataallugit appartinneqarsinnaanngilaq, siusinaartumik sulisinnaajunnaarnersiuteqartoq nammineq isertitaqarsimanngippat, taamaattorlu siusinaartumik sulisinnaajunnaarnersiuteqartoqarsinnaanani 400.000 kr.-it sinnerlugit isertitaqarsimagaanni.”

§ 20-mut

4. § 20 imatut isikkoqalissaaq:

“§ 20. Siusinaartumik sulisinnaajunnaarnersiutit ukiut tamaasa 1. januaarimi aaqqiivigineqartassapput, tak. §§ 15-18.

Imm. 2. Siusinaartumik sulisinnaajunnaarnersiutit ataavartumik aaqqiivigineqartassapput isertarisat annertuumik allannguuteqarsimappata, tak. §§ 15-17. Allannguutit atuutilersinneqassapput isertitat allanngorneraniit qaammatip tulliuttumi aallaqqaataanniit atuutilersuimik.

Imm. 3. Siusinaartumik sulisinnaajunnaarnersiutit tunniunneqartalernerannit aammalu piffissami isertitarisat annertuumik allannguuteqarsimatillugit, siusinaartumik sulisinnaajunnaarnersiutit naatsorsorneqassapput isertitariligassatut naatsorsuutigineqartut toqqammavigalugit.”

Inatsisissatut siunnersuummut oqaaseqaatit

Siunnersuummut nalinginnaasumik oqaaseqaatit

Siusinaartumik sulisinnaajunnaarnersiutit pillugit Inatsisartut inatsisissaatut siunnersuut siullermeersumik 12. marts 2015-imi oqaluuserineqarpoq. Tamatuma kingorna inatsisissatut siunnersuut Ilaqutariinnermut Peqqissutsimullu ataatsimiititaliamut suliassanngortinneqarpoq. Naalakkersuisut siullermeerneqarnerata aappassaaneerneqarneratalu akornanni inatsisissatut siunnersuut pillugu politikikkut oqallinnerit toqqammavigalugit allannguutissamik siunnersuusiorsimapput. Inatsisartut Ilaqutariinnermut Peqqissutsimullu ataatsimiititaliaa aappassaaneerinninnissamut isumaliutissiissuteqarsimavoq.

Inatsisissatut siunnersuusiorderup pinerani Inissiani attartortittakkani akiliutinut tapiissutaasartut pillugit aammalu Utoqqalinermi pensionisiat pillugit sularinninnerit ataqatigiissarneqarsimapput. Taamatut suliqaarnermi naliliiffigineqarsimavoq siunnersuutit pingajussaaneerneqarnissaanut atatillugu allannguutissamik siunnersuusiortoqartariaqartoq, tamatumani erseqqissaassutiginiarlugu ”massakkut isertitarisat” qanoq paasineqartariaqarnerisooq aammalu aalajangersakkani ataasiakkaani oqaaseqatigiit atorneqarsimasut ersarissaavigineqarsimallutik.

§§ 15, 16 aamma 17-imi naqinneq ”pisortanit pensionisiat” imatut allanngortinneqarpoq ”siusinaartumik sulisinnaajunnaarnersiutit, utoqqalinermi pensionisiat”. Tunngaviatigut imatut allannguisoqanngilaq, taamaattorli oqaatsit atorneqartut ersarissaarneqarsimallutik.

Siunnersuutip siullermeerneqarneranut atatillugu oqariartuutigineqarpoq, kalaallisut oqaasertaliunneqarsimasooq ”pensionisiat” kukkunerusoq tassami oqaatsit kukkusumik atorneqarnerannik tamanna ersiutaammat. Ilaqutariinnermut Peqqissutsimullu ataatsimiititaliap isumaliutissiissutaa toqqammavigalugu aqqissuussaaneerup kalaallisut taaguutaa allanngortinneqarpoq, matumali kingorna taaguut ”Siusinaartumik sulisinnaajunnaarnersiutit” pineqartumut taaguutigilersinneqarluni. Qallunaatut taaguusersuineq taamatut iinnassaaq.

Allannguutissatut siunnersuut aningaasatigut allaffissornikkullu kinguneqartussaannngilaq.

Massakkut isertitarisat

Allannguutissatut siunnersuuteqarnermi erseqqissaassutigineqarpoq *massakkut isertitarisat* qanoq paasineqassanersoq.

Massakkut isertitarisat tassaapput A-tut B-tullu isertitarisat nalinginnaasumik ilanngaatit peerlugit. Massakkut isertitarisani isiginiarneqanngillat DIS-imit GIS-imillu akileraarutissaqanngitsutut isertitarineqartartut.

Aalajangersakkanut ataasiakkaanut oqaaseqaatit

Nr. 1-mut

Imm. 3-mut

Aalajangersakkatigut naqissusiivigineqarpoq siusinaartumik sulisinnaajunnaarnersiut qaqugukkut appartinneqartassanersoq, tamatumani siusinaartumik sulisinnaajunnaarnersiuteqartoq aammalu aappaqarsimaguni aapparisaata isertitarisai aalajangersakkami killiliussat qaangersimappagit.

Nr. 2-mut

Imm. 3-mut

Aalajangersakkatigut naqissusiivigineqarpoq qanoq ilineratigut siusinaartumik sulisinnaajunnaarnersiutit appartinneqartassanersut, tamatumani siusinaartumik sulisinnaajunnaarnersiuteqartoq aammalu aappaqarsimaguni aapparisaata isertitarisai aalajangersakkami killiliussat qaangersimappagit.

Nr. 3-mut

Imm. 3-mut

Aalajangersakkatigut naqissusiivigineqarpoq qanoq ilineratigut siusinaartumik sulisinnaajunnaarnersiutit appartinneqartassanersut, tamatumani siusinaartumik sulisinnaajunnaarnersiuteqartoq aammalu aappaqarsimaguni aapparisaata isertitarisai aalajangersakkami killiliussat qaangersimappagit.

Nr. 4-mut

§ 20-mut

Imm. 1-imut

Aalajangersakkatigut pineqarpoq siusinaartumik sulisinnaajunnaarnersiutit ukiumut ataaseriarluni aaqqiivigineqartassasut, tassalu 1. januaarimi.

Imm. 2-mut

Aalajangersakkatigut pineqarpoq siusinaartumik sulisinnaajunnaarnersiutit allanngortinneqartassasut nalinginnaasumik isertitarisat malunnaatilimmik allannguuteqarsimatillugit.

Tamanna ilaatigut pisinnaavoq siusinaartumik sulisinnaajunnaarnersiutit, utoqqalinermi pensionisiat aammali Nunani Avannarliit akornanni isumaginninnikkut Isumaqatigiissut naapertorlugu saniatigut isertitat, soorlu sulisinnaajunnaarnersiutillip aapparisaq toqusimappat imaluunniit sulisinnaajunnaarnersiutilik avissimappat imaluunniit aapparisaq toqusimappat il.il.

Imm. 3-mut

Aalajangersagaq nutaajuvoq aammalu pineqarluni siusinaartumik sulisinnaajunnaarnersiutaqartitsilernermi aammalu nalinginnaasumik isertitarisat malunnaatilimmik allannguuteqarsimanerisigut, taava sulisinnaajunnaarnersiutissat isertitariligassatut naatsorsuutigineqartut toqqammavigalugit naatsorsorneqartussaammata.

Siusinaartumik sulisinnaajunnaarnersiutit aammalu toqqammavigisat arlaatigut allannguuteqarujussuarnerisigut, pingaartinneqassapput isertitariligassat qanoq annertutigisussaassanersut. Siusinaartumik sulisinnaajunnaarnersiutit aammalu isertitatigut malunnaatilimmik allannguisoqarsimatillugu taava taakkua toqqammavigineqalersussaapput, pineqartup pisartagarisai nutaamik nalilersuiffigineqaqqissapput imaassimappat siusinnerusukkut isertitarisimasat toqqammavigalugit naatsorsuisimanerit siunissamut toqqammavigissallugit naapertuukkunnaartut. Taamaattumik massakkut isertitarisat toqqammavigalugit pisartakkat nutaamik naatsorsorneqassapput.